



*Isterno informativno glasilo Medžlisa IZ-e Tešanj*

Ramazan 2017. – 1438. (str. 4.)



03/06/2017

Tradicionalni 13. iftar za profesore OO ustanova



Hafiska mukabela u Čarši-džamiji

Ramazanski bajram 2017. – 1438. (str. 5.)



Uručenje diplome hafizu – 25.05.2017.



Raduša, Mevlud i dova za šehide i vakife – 26.06.2017.

Javni programi – Obilježen 3. maj „Dan šehida“ općine i 7. maj „Dan džamija“ (str. 6.)



03/05/2017

Oraš Planje – Tradicionalni 22. Mevlud za šehide



## BAJRAMSKA PORUKA GLAVNOG IMAMA

Hvala Allahu dž.š., Gospodaru nebesa i zemlje.

Njemu iskazujemo zahvalnost na radosti bajramskog okupljanja na mjestu koje je Njemu najdraže.

Donosimo salavat i selam na posljednjeg Allahovog Poslanika Muhammeda a.s., i na sve one koji su živjeli i umrli sa istinom u srcu i djelu.

Sjetimo se bosanskih šehida, koji su na Allahovom putu dali svoje živote.

Draga braćo!

Iza nas je mjesec ramazan, mjesec u kome smo kroz post, zekat, sadekatu-l-fitr, mukabele i druge hajrul hasenate iskazivali svoju svijest o Dragom Bogu.

Praktičnim primjerom pokazali smo da naša svijest o Dragom Bogu jeste mjera našeg života na ovom prolaznom svijetu, koja jasno određuje naše granice ikrenosti u odnosu na Boga dž.š., u odnosu jednih prema drugim i odnosu prema samom sebi.

Zato se u ovom ozračju bajramske radosti, nadamo i vjerujemo da su naši ramazanski ibadeti kabul i da će biti upisani u naša dobra djela i da će oni biti impuls da ramazanski nur čuvamo i prenesemo u dane i nakon ramazana.

Valja nama i bez ramazana hoditi putem privrženosti dini islamu. Nemojmo zaboraviti da vjera islam traži stabilnog, čvrstog i istrajnog muslimana. Muhammed a.s. nas je naučio da su Allahu najdraža djela ona koja su stalna, pa makar bila i mala. (*Navesti arapski tekst hadisa*).

Draga braćo!

Vjernik mora bit čvrst u vjeri. Vjera je privilegija i Božiji dar u svojstvu emaneta kojeg vjernik čuva i pouzdano prenosi na generacije koje dolaze.

Stoga vjernik ne može biti neko ko izmiče, ko odstupa i ko nije pouzdan i siguran u sebe, ali i u drugog. Samo upućeni jedni na druge možemo zajednički koračati ka sretnijoj budućnosti. Tome nas je podučio mjesec Ramazan.

Draga braćo!

U ovom mubarek trenutku pozivam vas na potrebu istrajanja na dobru i na potrebu nužnosti blizine u odnosu na roditelje, na djecu, braću, rodbinu, prijatelje, komšije, džamiju i džemat, a posebno na svoju domovinu koja daje stabilnost našem opstojanju na ovim prostorima.

Nije isto imati domovinu i nemati. Nije isto imati slobodu i nemati i nije isto živjeti u radosti vjere i živjeti u strahu zbog svoje vjere.

Draga braćo!

Sa ovog časnog mjeseca u ovom odabranom trenutku, hvala vam što svojim životom i radom pronosite lijep glas o sebi, o svojoj porodici, o svom džematu, o svom medžlisu o svojoj Islamskoj zajednici.

Molim Allaha dž.š. da ukabuli naše ibadete i da nas čuva od svih dunjalučkih iskušenja.

Želim Vama, Vašoj porodici Bajram pun radosti i ličnog zadovoljstva.

Ne zaboravite sutra je dan Šehida, kada ćemo odat počast velikim sinovima naše domovine, Bosne i Hercegovine.

**BAJRAM ŠERIF MUBAREK OLSUN BRAĆO!**

## POZIV NA SARADNNU

Esselamu alejkum, poštovani čitatelji!

*Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.*

*Javite nam se sa vašim primjedbama i sugestijama kako bismo zajednički što bolje prezentovali naš Medžlis*

**Naša web stranica: [www.miztesanj.ba](http://www.miztesanj.ba) ; email: [iztesanj@bih.net.ba](mailto:iztesanj@bih.net.ba)**

## Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić; tehnički urednik, tekst i foto Rašid Orlović.

Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić i Suljo ef. Djedović prof., saradnici imami MIZ-e Tešanj.

## Aktivnosti IO Medžlisa –

**18.05.2017.g.- održana 22. sjednica IO** – U maloj sali Medžlisa IZ-e Tešanj. Sjednicom je predsjedavao predsjednik Zehrudin Kruško, a prisustvovalo 13 članova. Razmatran je dnevni red od 7 tačaka i usvojeni: Izvod iz zapisnika sa 21. redovne sjednice i informacija o relaizaciji zaključaka, Plan aktivnosti za ramazan 1438.h.g., Izvještaj o obilježavanju 7. maja Dana džamija, Informacija o radu dječijeg obdaništa „Revda“, Saglasnost za Konkurs u Preporodu za prijem imama u džematu Kalošević, prijedlozi za uvakufljenje zemljišta Rabije Halilović iz Koprivaca i Muše Muminovića iz Lepenice, Odluka o angažovanju Ugovorom o djelu Bašić Belmina na mjestu imama u džematu Šije Donje Polje i dr.

**29.06.2017.g.- održana 23. sjednica IO** – U veliko sali Medžlisa IZ-e Tešanj. Sjednicom je predsjedavao predsjednik Zehrudin Kruško, a prisustvovalo 9. članova.

Razmatran je dnevni red od 6 tačaka i usvojeni: Izvod iz zapisnika sa 22. redovne sjednice i informacija o realizaciji zaključaka, Izvještaj o završetku mektepske 2016/17. godine, Izvještaj o realizaciji Plana aktivnosti za ramazan 2017.-1438.h.g., Odluka o prijemu u radni odnos Hasanović Mersed ef. na mjesto imama u džematu Kalošević, zahtjev Bošnjo Muhameda Dželaluddina za uvakufjenje zemljišta i dr.



**Hutba – Muftijstvo zeničko je u proteklom periodu za svaki mjesec provodilo konkurs za izbor najbolje hutbe na zadatu temu. Hutbu su pisala po tri imama iz svakog medžlisa za jedan mjesec. Donosimo najbolju hutbu za april 2017. godine.**

### Kako izabrati dobrog prijatelja??!

Neka je hvala Allahu, Gospodaru svih svjetova, na neizmjernim blagodatima kojima dariva ljudi, salavat i selam neka su Miljeniku Njegovom, Muhammedu, njegovo plemenitoj porodici, njegovim ashabima i onima koji njih slijede u dobru, do Kijametskog dana.

Draga braćo!

Na putu svekolikog duhovnog narastanja i oplemenjivanja vjernika, odgoja njegove duše, Gospodar svjetova, Allah dželle šanuhu, u Kur'ani-kerimu je dao brojne upute i smjernice, a njegov Miljenik Muhammed alejhisselam svojim riječima to detaljno objasnio i potvrdio. Jedan od tih kur'anskih uputa i smjernica jeste i izbor dobrega prijatelja, koji nas same bitno određuje. Allah dželle šanuhu kaže:

أَمْرُهُ نَالَ عَنْهُمْ تُرِيدُ زِينَةَ الْحَيَاةِ الدُّنْيَا وَلَا تُطِعُ مَنْ أَغْفَلَنَا قَلْبُهُ عَنْ ذِكْرِنَا وَاتَّبَعَ هَوَاءً وَكَانَ وَاصِبْرَ نَفْسَكَ مَعَ الدِّينِ يَدْعُونَ رَبَّهُمْ بِالْغَدْوَةِ وَالْعَشَيِّ يُرِيدُونَ وَجْهَهُ وَلَا تَعْذِيْ فُرْجُهُ

"Budi čvrsto uz one koji se Gospodaru svome mole ujutro i naveče, u želji da naklonost Njegovu zasluge, i ne skidaj očiju svojih s njih iz želje za sjajem u životu na ovome svijetu, i ne slušaj onoga čije smo srce nehajnim prema nama ostavili, koji strast svoju slijedi i čiji su postupci daleko od razboritosti." (Prijevod znacenja - El-Kehf, 28.)

"O vjernici, ne prijateljujte sa onima koji vašu vjeru za podsmijeh i zabavu uzimaju." (Prijevod znacenja - El-Maide, 57.)

Naš najbolji Učitelj, Muhammed alejhisselam, rekao je:

"Čovjek je na vjeri svoga prijatelja, pa gledajte s kim ćete prijateljevati." (Mutefekun alejh)

"Zaista ima ljudi koji su kljucevi dobra, a katanci (zatvaraci) zla, a ima ih i koji su kljucevi zla, a katanci dobra. Pa, blago onome kome je Allah dao da bude kljuc dobra, a teško onome kome je Allah dao da bude kljuc zla." (Ibn Madže)

"Primjer dobrog i lošeg društva jeste kao primjer onog ko nosi miris i onog koji puše u kovacki mijeh. Onaj koji nosi miris, ili ce ti ga pokloniti, ili ceš ga od njega kupiti, ili ceš od njega osjetiti ugordan miris. A onaj koji puše u kovacki mijeh, ili ce ti zapaliti odjecu, ili ceš od njega osjetiti ružan miris." (Mutefekun alejh)

Rečeni ajeti Kur'ani-kerima i hadisi Božijeg Poslanika, alejhisselam, postavljaju nam jasna mjerila u odabiru pravog prijatelja, i ukazuju na veliku važnost tog čina, jer naš prijatelj, pored onoga što mi jesmo po sebi, određuje naše vrijednosti, naše stavove i naša ubjedjenja. Pogrešnim odabirom onoga s kim dijelimo naše razmišljanje, naše dragocjeno vrijeme, onih kojima povjeravamo naše najskrovitije tajne, one s kojima dijelimo i naš zalogaj, rizikujemo ne samo svoj Dunjaluk nego i svoj Ahiret, a o tome nam govori Gospodar svjetova u suri Furkan:

"Na dan kada nevjernik prste svoje bude grizao govoreći: "Kamo sreće da sam se uz Poslanika pravog puta držao, kamo sreće, teško meni, da toga i toga za prijatelja nisam uzeo, on me je od Kur'ana odvratio, nakon što mi je priopcen bio!". (Prijevod znacenja - El-Furkan, 27. -29.)

Opisujući razgovor džennetlija, Uzvišeni Allah u suri Es-Saffat kazuje:

"I jedan od njih ce reci: "Imao sam druga jednog, koji je govorio: "Zar i ti vjeruješ da cemo, kada poumremo i zemlja i kosti postanemo, doista, racun polagati?" "Hocete li da pogledate?" - i oni ce pogledati i toga usred Džehennema ugledati. "Allaha mi" - reci ce, "zamalo me nisi upropastio; da nije bilo milosti Gospodara moga, i ja bi se sada mucio." (Prijevod znacenja - Saffat, 51. - 57.)

Pravi, iskreni prijatelji, za koje je Poslanik alejhisselam, rekao: 'Kada ih vidiš, sjetiš se Allaha!', posreduju moralne vrijednosti, oni su put svakome dobru, oni su muhsini-dobročinitelji, utvrde dobra u kojima vjernik može naći zaštitu i čuvati svoju vjeru. Od onih drugih, koji nemaju tu snagu duše da posreduju samo ono što je lijepo i plemenito, ako mi sami nemamo snage i načina da kod njih mijenjamo loše obrasce ponašanja, od takvih se, bez grižnje savjesti trebamo udaljiti, jer je moguće da u suprotnom načinimo štetu i ranimo i njihovu i svoju dušu.

Iz kur'anskog kazivanja razabiremo da su Allahovi odabranici, moleći Gospodara svjetova za dobro ovoga i budućeg svijeta, tražili da im sam Gospodar bude Prijatelj, a njihove dove, kako Kur'ani-kerim, kazuje, Allah, dželle šanuhu, uslišao; za Ibrahima, kojega je Gospodar kušao na mnogo načina, kaže: 'Allah je Ibrahima uzeo za bliskog prijatelja!' – En-Nisa, 125. Ajet.

Potvrđujući ovu kur'ansku istinu, i naglašavajući počast koja je također njemu ukazana, Muhammed, alejhisselam je rekao: Ovo je bila nagrada koju je i naš vjerovjesnik Muhammed, neka su Allahov mir i spas sa njim, dobio:

„Uistinu, Uzvišeni Allah me je uzeo prijateljem, kao što je uzeo Ibrahima za prijatelja.“ [prenosi Muslim]

Ajeti sure Jusuf kazuju koliko izdaje se sručilo na ovog Božijeg Miljenika, po kome je ova sura i dobila naziv. Poslije svih pretrpljenih udaraca i iskušenja koja je pretrpio, poslije cijelovitog sagledavanja koliko zna biti labavo prijateljstvo ljudi, Jusuf alejhisselam se ovako obraća Allahu dželle šanuhu:

*O Gospodaru moj! Ti si me obdario sa nešto vlasti, i saopćio mi nešto znanja o skrivenom smislu zbivanja! Utemeljitelju nebesa i Zemlje, Ti si moj Prijatelj na ovome svijetu i u životu koji će doći, dopusti mi da umrem kao onaj koji je bio predan Tebi i uvedi me među čestite robe Tvoje! Sura Jusuf, 101. Ajet.*

Budimo oprezni u odabiru pravoga prijatelja, to nije sebičnost, to je briga za zdravlje i spas svoje duše, i zdravlje i spas duše drugoga čovjeka.

Gospodaru naš, daj nam iz Svoje neizmjerne Milosti da, prije nego nađemo jedni druge, da prvo nađemo Tebe, počasti nas društvom vjerovjesnika, onih koji ne odstupaju od Istine, društvom šehida i čestitih, predanih robova Tvojih, a divno li su oni društvo!

**Enis ef. Salatović -- Imam, hatib i mu'allim u džematu Bradići/Krušik - Medžlis IZ-e Maglaj**

**RAMAZAN 2017. – 1438.h.g. , nastavak sa naslovne strane****Post i iftar**

„Svaki covjekov posao se višestruko nagradjuje; dobro djelo se nagradjuje desetorostruko, do sedam stotina puta, a Allah Uzvišeni je rekao: - Osim posta, on je Moj i Ja za njega nagradujem, on ostavlja svoje strasti i hranu radi Mene.“ (Hadis-Muslim).

Osnovna karakteristika ovogodišnjeg ramazana je organizacija velikog broja zajedničkih iftara. Medžlis je samostalno ili u saradnji sa drugim subjektima organizirao iftare:

za imame i članove IO - 30. 05. 2017.  
za profesore medresa - 03. 06.2017.  
Brojni iftari su organizirani u džematima (Šije, Piljužići, Miljanovci Novi, Jevadžije, O.Planje, Mrkotić-Putešić...)



Iftar za zaposlenike i članove IO



Omladinski iftar u Tešnju



Omladinski iftar N. Miljanovci-04.06.2017.

Iftar sa privrednicima - 07.06.2017.  
(zamjenik reisu-l-uleme i muftija zenički)

Tradicionalni iftar u Mrkotiću



Piljužići – tradicionalni omladinski iftar

**Mukabela**

Učena u svim džamijama na ukupno 36 mesta sa preko 300 učača.

**Hafisku mukabelu** u Čarši džamiji poslije ikindije-namaza učili su džematski imam mr. Enver ef. Kurtić i hafizi: Nermin Ibrahimović, Ahmed Bukvić i hafiz iz Turske.

**Sehurska mukabela** u Čarši džamiji i Miljanovci Novi.

**Mukabela za žene** učena u džematima: Miljanovci, Miljanovci Novi, Piljužići i Hamzibegova džamija.

**Mukabela polaznika mektebske nastave** u džematu Miljanovci Novi.

**Teravih-namaz**

Klanjan na 64 punkta, 20 rekata po takvemu, od angažovanih imama: 29 stalnih imama, 4 honorarna imama; 3 penzionisani imam, 11 učenika medresa, 3 studenta, 5 svršenika medresa, 7 teravih imama, 2 vjeroučitelja.

Teravih namaz klanjan u 37 džamija, 26 mesdžida i 1 porodičnoj kući.

I ove godine na području Medžlisa IZ-e Tešanj boravio je gost iz Turske hfz. Ozer Karakutuk koji je obilazio džemate na teravih-namazu po rasporedu Medžlisa, u Čarši džamiji učio hafisku mukabelu i učestvovao u javnim programima Medžlisa.



Teravih namaz – imam hafiz iz Turske

**Itikaf** – Kao i ranijih, tako su i ove godine imami kao mutekifi boravili u itikafu u četiri džamije i to: Čarši džamija-mr. Enver ef. Kurtić, Jelah – mr. hafiz Almir ef. Hadžić, Miljanovci Novi Bersad ef. Kozlić prof., i, u džematu Maračaj-Potočani Muris ef. Braćkan.

**Rad sa ženama** muallima Fatima Ćeman u saradnji sa glavnim imamom organizirala rad sa ženama u ramazanu i to:

- sa 15 učenica medresa posjećeno 33 punkta i održano isto toliko prigodnih programa za žene,

- Žene stručnjaci iz različitih oblasti održale predavanja ženama u džematima i to: hafiza Hidajeta Mahalbašić Krašević i Hamzibegova dž., dr. Azra Ibrahimović Karadaglije-Koprivci-Oruče i O. Planje, Enesa Piro-Bedaković prof. – Trepče i Medakovo i Asmira Garić – Jelah i Miljanovci Novi.

**Prigodni programi**

**Razanske noći u Tešnju** – novi projekt Medžlisa – realiziran petkom poslije teravih-namaza na trgu ispred Kahve učenem Kur'anu, vazom istaknutog vaiza iz BiH i izvođenjem ilahija poznatih izvođača.

**– 17. noć – Lejletu-l-Bedr** – na prigodan način obilježina u svim džematima, Jevadžije – Omladinski iftar i mevlud

**Kratko predavanje profesora medresa pred teravih namaz u džematima, nakon iftara 03.06.2017. i to:**

mr. Husein ef. Smajić zamjenik reisu-l-uleme i muftija doc. dr. Ejub ef. Dautović posjetili Čarši-džamiju gdje se džemalijama obratio zamjenik Reisu-l-uleme.

**IPF Zenica** – dr. Mensur Valjevac posjetio džemat Dobropolje-Mekiš, dr. Safvet Halilović – Karadaglije-Koprivci-Oruće.

**Behrambegova medresa Tuzla** – direktor Ahmed Hatunić – Bukva, Mensur Husić – pomoćnik direktora O. Planje; Mehmedalija Čandić – pomoćnik direktora – Piljužići.

**GHM Sarajevo** – Dževad Pleh – Dolac-Kotlanice, Hadžib Šišić – Ljetinić i Merzuk Đulan - Bobare.

**Elči Ibrahim-pašina Medresa Travnik** - mr. Dževad Šošić – direktor – Jelah; dr. Muhamet Dautović Dibekhana džamija, Omer Meštrovac – Krašević i Kemal Avdagić – Mrkotić-Putešić.

**.Medresa „Osman ef. Redžović“**

**Veliko Čajno kod Visokog** – Dženan Handžić – direktor – Miljanovci Novi, hafiz Abdulkadir Kadrić – Vukovo i Emir Uzunalić - Trepče.

**„Karadžož-begova“ medresa Mostar** – mr. Suad Mujakić – zamjenik direktora – Kalošević.

Iftaru su prisustvovali i sabornici sa područja Muftijstva: mr. Suad Huskić i Općinski načelnik iz Tešnja, dr. Ahmed Čerim, dr. Mirsad Hasanić i Džafer ef. Gračić. Ovo je 13 godina za redom kako Medžlis Tešanj organizuje zajednički iftar poslije koga gosti posjete džemate i održe prigodna predavanja.



Obraćanje zamjenika reisu-l-uleme u Čarši džamiji

**Piljužići - Hafiska dova Hamde Sole -25.05.2017.**

U subotu, 25. maja 2017. godine u prepunoj džamiji džemata Piljužići poslje podne-namaza proučena je hafiska dova i u hafiza Kur'ana Časnog promoviran Hamdo Solo. Ovoj svečanosti prisustvovali su: mr. Husein ef. Smajić, zamjenik Reisu-l-uleme IZ-e u BiH u svojstvu izaslanika Resi-u-l-uleme IZ-e u BiH; Muftija zenički doc. dr. Ejub ef. Dautović; glavni imam Medžlisa IZ-e Tešanj mr. Fuad ef. Omerbašić; direktor „Behram-begove“ medrese Ahmed ef. Hatunić; muhafiz hafiz Nedžad Vehabović; dr. Džemal Muslih, direktor svjetske organizacije za hifz; Zehrudin Kruško, predsjednik IO; Općinski načelnik mr. Suad Huskić; hafizi iz Behram-begove medrese, Medžlisa IZ-e Tešanj i drugih sredina, imami, brojna rodbina, kolege iz medrese, komšije i prijatelji hafiza. Čestitke hafizu, porodici, džematu, medžlisu i IZ-i u Bosni i Hercegovini uputili i prisutnima se prigodno obratili glavni imam Medžlisa IZ-e Tešanj,



direktor „Behram-begove“ medrese,



Muftija zenički

i zamjenik Reisu-l-uleme koji je i uručio diplomu  
Hafizu-l-Kur'ani-l-Kerim mladom hafizu Hamdi.

U toku programa ajete Kur'ana Časnog učilo je 13 prisutnih hafiza, a kratkim surama završio učenje hafiz Hamo.

**Hafiz Hamdo Solo** je rođen 16.04.2000.godine u Tešnju. Sin je Smajlov i Senin. Osnovnu školu je pohađao u Piljužićima i Miljanovcima, a zvašio je kao super odličan učenik, a mekteb pohađao u Piljužićima. Hamdo je odličan učenik II razreda „Behram-begove“ medrese u Tuzli i 55 je hafiz ove medrese u njenom obnovljenom radu. Hifz je položio pred Komisijom Rijaseta IZ-e u BiH u periodu 25.04. - 09. 05.2017. godine.



Hafiz sa porodicom i zvanicama

**Ramazanski bajram 2017.- 1438. h. g.**

**Bajram Namaz** – Centralna bajramska svečanost za Medžlis IZ-e Tešanj održana je u Čarši-džamiji u Tešnju 25.06.2017. (prvi dan Bajrama) gdje je bajram-namaz klanjao i hutbu održao glavni imam mr. Fuad ef. Omerbašić.



**Tradicionalni bajramske prijem** – upriličen 1. dan Bajrama-nedjelja, 25.06. 2017. u 10,00 sati u restoranu „UKUS“ Tešanj, kome je prisustvovalo preko 200 zvanica kojima su Bajram čestitali glavni imam i Općinski načelnik mr. Suad Huskić.



Bajramska čestitka glavnog imama

**Dan šehida - 2. dan Bajrama – 26.06.2017.** obilježen u svim džematima prema Protokolu Rijaseta (proučena Hatma dova, Jasen i Fatiha pred duše šehida, posjećeni šehitluci).

- U Medžlisu IZ-e Tešanj glavni imam priredio



prijem za delegaciju OPŠiPB

**Obilazak šehidskih mezarja** – u vakufskom mezarju „Đonlagića“ gdje su Jasen pred duše šehida proučili imami Medžlisa IZ-e Tešanj i Doboj, Fatihu svi prisutni, a dovu glavni imam koji se i prigodno obratio prisutnima.



**Raduša – Tradicionalni mevlud za šehide i vakife** -proučen u džamiji posjeće podne namaza kao centralna manifestacija Medžlisa i Muftijstva Zeničkog. Mevlud su spručili imami Medžlisa IZ-e Tešanj, na šehide podsjetio džematski imam Ramo ef. Svrzo prof. , a prisutnima se prigodno obratili: Glavni imam; muftija zenički doc. dr. Ejub ef. Dautović i muftija banjalučki dr. Osman ef. Kozlić.



**Obilježen 7. maj „Dan džamija“ na području Medžlisa IZ-e Tešanj, izdvajamo...**

**14.04.2017. Jabanica** - Proučena hatma dova za šehide u povodu Dana Mjesne zajednice Jablanica.

**15.04.2017. - Trepče** - U povodu obilježavanja Dana MZ Trepče poslije podne-namaza u zajedničkoj organizaciji džemata i MZ Trepče u džamiji ovog džemata proučen 9. tradicionalni mevlud i dova za šehide. Mevlud su proučili imami Medžlisa IZ-e Tešanj, a prigodni vazu-nasihat održao glavni imam Medžlisa IZ-e Tešanj mr. Fuad ef. Omerbašić.

**Šije** - U povodu obilježavanja Dana MZ Šije poslije akšam-namaza u zajedničkoj organizaciji sva tri džemata i MZ Šije proučen tradicionalni mevlud i dova za šehide. Mevlud su proučili gosti iz Kaknja i Sarajeva, a prigodni vazu-nasihat održali Izet ef. Čamđić, glavni imam Medžlisa IZ-e Zavidovići i glavni imam Medžlisa IZ-e Tešanj mr. Fuad ef. Omerbašić.

**21.04.2017. - Jablanica** - Poslije akšam-namaza u džamiji održana tribina na kojoj je gost bio Edhem ef. Čamđić.

**Sarajevo** – Potpisani ugovor sa Direkcijom vakufa R. Turske oko nastavka radova na rekonstrukciji Gazi Ferhadbegovog vakufa u Tešnju (džamija, munara, kahva,...)



Jablanica - hatma dova za šehide



Trepče – Mevlud



Šije – Mevlud

**23.04.2017-Dibekhana džamija** – proučen Mevlud i uručene vakufname vakifima za uvakufljena novčana sredstva za džamiju, šadrvan i munaru, a porodici Saračević vakufnama uručena 25. 04.2017. u Medžlisu.

**29. 04. 2017. - Miljanovci Novi** – održana 3. tematska tribina za žene poslije akšam-namaza na kojoj su gosti bile koordinatorica Fatima Ćeman i predavač Enesa Bedaković-Piro prof.

**30.04.2017. - Mrkotić-Putešić – otkrivena 3 spomen česma u džematu, proučen tradicionalni 15. mevlud, Jasin i dova za šehide** u povodu obilježavanja godišnjice formiranja čete zajedničkom organizacijom džemata i Mjesne zajednice uz obraćanje izaslanika glavnog imama mr. Enver ef. i gost hafiz Alija ef. Rahman prof.

**03.05.2017. - Oraš Planje** - U okviru programa obilježavanja 7. maja „Dana džamija“ i 3. maja općinskog „Dana šehida“, u zajedničkoj organizaciji Medžlisa IZ-e Tešanj i Organizacije porodica šehida i poginulih boraca općina Tešanj i Teslić, u Plavoj džamiji džemata Oraš Planje, proučen je 22. tradicionalni mevlud i dova za šehide. Mevlud su proučili imami medžlisa IZ-e Tešanj, a prisutnima se prigodno obratili džematski imam Muris ef. Mahalbašić prof., predsjednica OPŠiPB općina Tešanj i Teslić Nura Mehicić, Izudin ef. Kruško kao gost iz Rijaseta IZ-e u BiH i glavni imam Medžlisa IZ-e Tešanj mr. Fuad ef. Omerbašić.



Uručenje vakufname porodici Saračević



Mrkotić- Putešić – Mevlud



O. Planje – Mevlud

**05.05.2017. - Čarši i Hamzibegova džamija Tešanj**– Proučena dova, svečano otvorena i u funkciju stavljen abdesthana u podrumu čefenka Čarši džamije i proučena dova u povodu početka radova na izgradnji gasulhane u haremu Hamzibegove džamije.

**07.05.2017. - Miljanovci Novi** - Ovogodišnja centralna manifestacija Medžlisa IZ-e Tešanj u povodu 7. maja Dana džamija održana je u džematu Miljanovci Novi kao tradicionalna 11. „Večer Kur'ana“, (od ove godine i kao sastavni dio Programa obilježavanja Dana džamija Rijaseta IZ-e u BiH). U okviru programa ajete Kur'ana Časnog učili su hafizi iz Turske (Ankare): Muhammed Mansur SAĞIRI i Adem KEMANECI, te gavni imam Medžlisa IZ-e Zagreb, kurra hafiz Aziz Alili, koji je od dosadašnjih 11 godina prisustvovao 10 puta. Prisutnima su se prigodno obratili glavni imam Medžlisa IZ-e Tešanj mr. Fuad ef. Omerbašić, muftija zenički doc. dr. Ejub ef. Dautović i zamjenik Reisu-l-uleme mr. Husein ef. Smajić.

**10.05.2017. - Čarši džamija** – Mevlud i uručenje vakufnama vakifima uz obraćanje glavnog imama i gosta dr. Ismeta Bušatlića.

**13.05.2017. - Atrij Medžlisa** – Uručene nagrade za najbolje likovne i literarne radove na temu „Dan džamija“ učenika srednjih i OŠ po konkursu Aktiva vjeroučitelja.

**14. 05. 2017. - Dobropolje-Mekiš** - Održan tradicionalni mevlud u džamiji poslije podne-namaza.

Mevlud proučili imami Medžlisa IZ-e Tešanj. Gost vaiz dr. Nezir ef. Halilović.

**Kutahya džamija** – Održana večer Kur'ana poslije akšam-namaza na kojoj su Kur'an učili hafizi iz Pakistana (Imam Safraz Buti), Turske (Imam Osman Evgin i Imam İlhan Parlak) i Makedonije (Idris Osman, Imam Cemil Ali i Imam Aydin Yahya) a prisutnima se prigodno obratio glavni imam mr. Fuad ef. Omerbašić.



Čarši džamija – Dova



Pobjednici na konkursu



Dobropolje-Mekiš - Mevlud

## „Odgoj i obrazovanje kroz mekteb i školu“

Završnim ispitima, podjelom mektepskih knjižica i hatma dovama polaznika mektepske nastave okončana je mektepska 2016/17. godina na području Medžlisa IZ-e Tešanj.

**Takmičenje** polaznika mektepske nastave na nivou Medžlisa održano je 09. aprila 2017. godine i ove godine prvi puta iz četiri kategorije: opće znanje – mlađi i stariji uzrast i kiraet – mlađi i stariji uzrast sa učešćem po jednog takmičara po kategoriji iz svakog mekteba. Ukupno učestvovala 124 takmičara. Pobjednici su: **Opće znanje:**

**mladi uzrast:**

1. mjesto Alić Hasan iz džemata Miljanovci,
2. mjesto sa istim brojem bodova tri takmičara i to: Kobilica Ajna iz Šarenog mekteba, Klokić Dženis iz džemata Raduša i Mujkanović Kerim iz džemata Jelah;

**stariji uzrast:**

1. mjesto Ibrahimović Adna iz Šarenog mekteba,
2. mjesto Lekić Emin iz džemata Miljanovci i
3. mjesto Bašić Emin iz džemata Jablanica.

**kiraet**

**mladi uzrast:**

1. mjesto Smajić Vedad iz džemata Novo Selo,
2. mjesto Salkanović Bilal iz džemata Medakovo
3. mjesto Sinanović Zeneb iz Šarenog mekteba.

**stariji uzrast:**

1. Salkanović Ismet iz Šarenog mekteba,
2. mjesto Salkanović Abdullah iz džemata Šije Donje Polje i
3. mjesto Husanović Bahrudin iz džemata Miljanovci.

**Ukupni pobjednici po džematima su:**

**1.mjesto Šareni mekteb**, 2. mjesto Miljanovci i 3. mjesto džemat Jelah.

Pobjednici – prvoplasirani iz svih kategorija učestvovali su na takmičenju nivoa muftijstva zeničkog održanom 23.04. 2017. godine u Zavidovićima na kome su zauzeli ekipno 3. mjesto.

**Takmičenje u stonom tenisu** – održano četvrtu godinu za redom u omladinskom domu Novi Miljanovci 30.04.2017. Turnir je održan poslije podne-namaza, a na isti je prijavljeno 57 polaznika mektepske nastave.

Pobjednici:

1. mjesto Mešić Alem iz džemata Tešnjka,
2. mjesto Jacić Danis iz džemata Miljanovci Novi i
3. mjesto Seđić Dženan iz džemata Mrkotić-Putešić.



*Pobednici 4. turnra u stonom tenisu*

**Vjeronauka** – Dva časa sedmično, izvode je stručno osposobljeni nastavnici i profesori. U subotu 8. aprila 2017. g. održano je 13. takmičenje učenika osnovnih i srednjih škola iz vjeronauke – u OŠ „Abdul Vehab Ilhamija“ u Kaloševiću. Pobjednici:

**VIII-- Razred**

1. mjesto – Kadušić Lejla – iz OŠ „9. septembar“ Medakovo, 2. mjesto – Jusufović Elma – OŠ „Rešad Kadić“ Tešanj,
3. mjesto – Mudrov Emina - OŠ „Džemal Bijedić“ Miljanovci.

**IX- Razred**

1. mjesto – Ljevaković Lejla – OŠ „9. septembar“ Medakovo, 2. mjesto – Ramić Amina – OŠ „Rešad Kadić“ Tešanj,
3. mjesto – Ibrahimović Adna - OŠ „Huso Hodžić“ Tešanj

**I – Razred srednjih škola**

1. mjesto – Bašić Refik – Gimnazija „Musa Ćazim Ćatić“ Tešanj, 2. mjesto – Kurdić Hafiza – Srednja mješovita škola Tešanj
3. mjesto – Katardžić Esada - Srednja mješovita škola Tešanj.

**Prvo takmičenje u hifzu sure El-Hudžurat** – u organizaciji Muftijstva zeničkog održano u Medžlisu IZ-e Tešanj 21. 05. 2017. godine na kome je učestvovalo 28 takmičara iz 21 džemata. Takmičenje je provedeno pod supervizijom Muftije zeničkog doc. dr. Ejub ef. Dautovića, a pred komisijom: hfz. dr. Safet ef. Husejnović, predsjednik; hfz. mr. Enes ef. Beganović i hfz. Ahmed ef. Bukvić prof.

Pobjednici takmičenja su:

1. mjesto Ismet Salkanović iz Šarenog mekteba, medžlis Tešanj, muallim hfz. Ahmed ef. Bukvić,
2. Mjesto Halida Jusić iz mekteba Sejmen, medžlis Zenica, muallim hfz. dr. Safet ef. Husejnović i
3. mjesto Dalila Sinanović iz mekteba Sinanovići, medžlis Zavidovići, mullim hfz. Edin ef. Čaušević.



*Pobjednici 1. takmičenja u hifzu sure El-Hudžurat*

**Mektepske knjižice** – su uručene svim upisanim polaznicima 14. 05. 2017.godine.

**Hatma dove** polaznika mektepske nastave održane u 23 mekteba na kojima su svim svršenicima hatmi uručene jedinstvene svjedožbe izrađene u Rijasetu i popunjene u medžlisu, ukupno uručeno 830 svjedodžbi.

**Završni ispići** polaznika mektepske nastave provedeni su u svim mektebima u periodu od 23.04. do 14.05 2017. godine. Od 3237 upisanih polaznika prisustvovalo je 2.427 završnim ispitama (75%), u sufari učilo 946 (61 više nego prošle godine), a u Kur'anu 1.080 (52 manje nego prošle godine).

**Za upis u 1. razred medresa** u BiH izdato 20 preporuka glavnog imama.

Nakon sumiranja svih rezultata i ocjene glavnog imama najbolje rezultate u mektepskoj 2016/17. godini na području ovog Medžlisa postigli su:

1. Šareni mekteb – muallimi: hafiz mr. Nermin ef. Ibrahimović, mr. Enver ef. Kurtić, hafiz Ahmed ef. Bukvić prof., i Amar ef. Bedaković prof.
2. Miljanovci – muallim Raif ef. Hasan prof.
3. Jeleh –muallim hafiz mr. Almir ef. Hadžić.

**Događaji, iz naših džemata:**

**Medžlis – 11.04.2017. - Održan 8. stručni seminar za imame**  
– na kome je temu „Abdest i ezan“ prezentirao Ševal ef. Delić prof., imam džemata Šije.



**Kalošević – 30.06.2017. Ibrahim ef. Omerbašić,**  
dugogodišnji imam svečano ispraćen u penziju, a stupio u službu novi imam Hasanović Mersed ef.



**Medžlis – 20.04.2017. Održan 9. stručni seminar za imame, a 5. u organizaciji Muftijstva zeničkog** na kome je temu: „Jedinstvo muslimana je ključ njihovog uspjeha“ prisutnim imamima Medžlisa IZ-e Tešanj, Doboј i Teslić prezetirao prof. Mahmut Karalić, a muftija zenički doc. dr. Ejub ef. Dautović uputio nekoliko poruka uz ovu temu.



**Medžlis – 09.05.2017. Održan 10. stručni seminar za imame, a 6. u organizaciji Muftijstva zeničkog** na kome je temu: „Propisi o zekatu i sadekatu-l-fitru“ prisutnim imamima Medžlisa IZ-e Tešanj, Doboј i Teslić prezetirao muftija banjalučki dr. Osman ef. Kozlić, a muftija zenički doc. dr. Ejub ef. Dautović uputio imamima nekoliko poruka.

**Socijalno-humanitarne aktivnosti**

**Medžlis - Provedena akcija prikupljanja pomoći za narod Sirije** – Po zaklučku Savjeta Muftijstva zeničkog u petak, subotu i nedjelju (21. 22. i 23. aprila 2017.) na području svih medžlisa ovog Muftijstva pa i na području Mežlisa IZ-e Tešanj u saradnji sa međunarodnom humanitarnom organizacijom „EMMAUS“ koja je izvršila transport prikupljene pomoći zajedno sa drugom pomoći u ukupno 17 kamiona (14 sa područja Muftijstva zeničkog) i putem turske humanitarne organizacije IHH pomoć dostavila narodu Sirije. Ovoj akciji Medžlisa IZ-e Tešanj priključio se jedan broj škola i društveno odgovornih kompanija od kojih izdvajamo „HIF Petrol“ i „HIFA OIL“ (2 šlepera brašna), tako da je ukupno na područja Medžlisa IZ-e Tešanj prikupljeno: 32.548,45 KM, 88.476 kg brašna, 4.267 litara ulja, 442,5 kg. đema, 300 higijenskih paketa i 3.000. kg tjestenine.



*Ispraćaj konvoja iz BiH – 12. 05. 2017. Istovar pomoći u logističkom centru -18.05. U toku ramazana socijalno ugroženim porodicama na području Medžlisa uručeno 130 porodičnih paketa.*

**Posjetili su nas:**

**Direktori škola – 15.05.2017.**

Tradicionalna predramazanska kahva kod glavnog imama



**Dr. Senad ef. Ćeman – 24.05.2017.**

Prijem u povodu odbrane doktorske disertacije.



**Ministar Himzo Smajić – 24.05.2017.**

Razgovor o mogućnosti podrške ZDK projektima Medžlisa.

